



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 10. De prædicatione verbi Dei tanquam laude quadam
manifestationeq; excellentiæ ipsius publica,

[urn:nbn:de:hbz:466:1-78332](#)

coactionis adiurantur ut dicatur aliquid ab eis, vel aliquid obsequij accipiantur. Ratio est: quod talis recursus ad Demonem (tanquam fornicatio quædam, qua Deo relatio, demoni ipsi adhæretur) maximopere diuina maiestati displaceat, & ab ea puniatur grauissime: prout satis indicant verba illa Numerorum 20. Anima quæ declinauerit ad magos & ariolos, & fornicata fuerit cum eis, ponat faciem meam contra eam, & interficiam illam de medio populi sui.] Exemplum habetur initio libr. 4. Reg. de Ochoa, qui agerans misit ad consilendum Beelzebub Deum Accaron.

Si queras quid sententia sit de ijs qui ab obsequiis à Diabolo curiola inquirunt: quæ nec ad Dei gloriam, nec ad proximorum utilitatem, & ædificationem faciunt. Respondendum est, prout Sylvestris insinuat in fine citatæ questionis ultima, non peccare mortaliter, si inquirant cogendo: dummodo non ea mente, ut aliquid obsequij inde consequantur: sed tantum ex curiositate, lenitate animi, ut videatur quid Diabolus dicat. Ratio vero est, quia in eo non adhæretur Demoni, deserto Deo; sed solum nomen huic irreuerenter assumitur in re leui, quod tantum est veniale, ut iam diximus in praecedentibus.

TRACTATUS II.

De laude Dei.

116.

Aus Dei est manifestatio excellentiae ipsius: qui fieri potest tum mente, & corde tantum, dicitur que interior: tum verbo, seu voce, nuru, vel gemitu, aliore signo externo tantum; & dicitur exterior: tum dummodo vitro modo & dicitur interior simul & exterior. Atque vnaquæque earum potest usurpari tripliciter: primo per modum enunciantis, quando scilicet aliquid bonum affirmatur de Deo: vt Psalm. 47. Magnus Dominus, & laudabilis nimis, &c.] vel malum negatur: vt Num. 23. Non est Deus quasi homo ut mentiatur.] Secundo, per modum invenientis, & deprecantis vt Psalm. 100. Misericordiam & iudicium cantabo tibi Domine, psalam & intelligam in via inimicula tua: quando venies ad me.] Tertio, per modum admirantis, vt Psal. 72. Quam bonus Israel Deus ijs qui recto sunt corde.]

Duo vero sunt quæ ad ipsam Dei laudem spectantia, peculiariter hic occurunt à nobis consideranda, tanquam ea in quibus deficitio, violatur secundum Decalogi præceptum in quo versamus: afflumendo nomen Dei in vanum, hoc nomine: quod cultus verbis, aut æquipollentibus signis exteris Deo exhibendus, exhibeatur indebitè. Illa autem sunt prædicatio verbi Dei, & recitatio horum canonorum: in quibus proinde immorabitur quantum sufficit ad iudicium de peccatis nobis propositum. Addemus & spectantia ad blasphemiam, ipsi Dei laudi, ex diametro oppositam.

CAP. X.

De prædicatione verbi Dei, tanquam laude quædam, manifestatione ve excellentiae ipsius publica.

S U M M A R I U M.

- 117 Prædicationis verbi Dei dignitas maxima.
- 118 Prædicationis verbi Dei incumbit ex officio tam Papa, quam ceteris Episcopis.
- 119 Quibus alijs idem ex officio incumbat.
- 120 Quibus licentiam præaudi dare posse Episcopis, & quibus solus Papa.
- 121 Laico interdictum est munus prædicandi, sic tamen ut in eo, vir capax sit dispensationis, non item feminæ.
- 122 Quatenus liberum sit Episcopo extra suam diœcesim & Parochio extra suam Parochiam prædicare verbum Dei.
- 123 Statutum Concilij Tridentini de ceteris cohibendis, ne libere predulent.
- 124 Dona naturalia in prædicatore verbi Dei requisita, non qui-

- dem necessaria: sed ut prædicatio gravior esse posse.
- 125 Duo alia requirita, arte & labore acquisita.
- 126 Alia præterea diuinus infusa, que ex parte ipsius prædicatoris requiruntur.
- 127 Requisita in prædicatione ex parte materiae.
- 128 Requisita ad solemnitatem prædicatiois verbi Dei.
- 129 Quis visus mundana scientia posse esse in prædicatione verbi Dei.
- 130 Peccata prædicantis sine debita autoritate: aut in statu peccati mortalis, aut mendacia, vel inutlia, & vania.
- 131 Alia prædicantis querendo seipsum non Deum: aut narrante fabulis vel facetas: aut detrahentes Prelatis Ecclesiæ aut Sacerdotibus, aut dissidentes solutionem decimarum: aut denum non seruantis que tenetur ex decreto Concilij Tridentini.
- 132 Peccata quæ solent y committere, qui auditores sunt prædicationum verbi Dei.
- 133 Requisita ad audiendum fructuose verbi Dei prædicationem.

Quod verbi Dei summa sit dignitas, colligitur tum ex eo quod Christus Dominus ad illius exercitum experitatem sue annum trigeminum; in quo ante illam incepit Baptizatus clericus Ioanne ex capite 3. D. Lucæ: tum ex eo, quod Apostoli alia munera committentes Discipulis suis, munus prædicandi verbi Dei sibi referuntur ex Actis capit. sexto; tum denum ex eo, quod illa habeat præstansissimum obiectum nempe verbum Dei, quod sancti homines locuti sunt inspirati Spiritus sancto, 2. Petri cap. 1. in fine. Dicemus autem primo quibus ea competit. Secundo, quæ ad eam requiruntur. Tertio, quæ peccata frequenter in ea contingunt.

De ijs quibus competit munus prædicandi verbam Dei.

SECTIO I.

EX officio prædicare competit principaliter Summo Pontifici argumento capit. In memoriam distincti. 19. & homiliarum quæ extant Summorum Pontificum, vt D. Leo & D. Greg. Magni: itemque ceteris Episcopis: quorum istud esse munus præcipuum habet Concilium Tridentinum. cap. 2, addens haec verba: Statuit & decrevit omnes Episcopos, Archiepiscopos, Primates, & omnes alios Ecclesiastarum Prelatos, teneri per seipsos, si legitime impediti non fuerint, ad prædicandum sanctum IESU CHRISTI Euangeliū. Quod quidem in antiqua Ecclesia fuisse diligenter seruatum, satis patet ex eo, quod scripta Sanctorum Patrum, quæ ad nos perueniunt, maxima ex parte sint Episcoporum.

Impedimentum autem prædicandi habentes, ex eodem Concilio ibidem consequenter, & ex Concilio Lateranensi sub Innocentio 3., quod refutatur in cap. Inter cetera, De officio ordinarij, carent viro idoneos assumere, ad ipsum prædicationis officium salubriter exequendum: quique id implere contempserit (addit viri unq; Concilium) districte subiaceat vltioni, tanquam fodiens scilicet foueam in quam cadat.

De Prelatis inferioribus Episcopo, atque alijs habentibus curam animarum, idem habetur adhuc consequenter in Concilio Tridentino nempe teneri per se vel alios idoneos, si legitime impediti non fuerint, diebus saltet dominicis & festis solemnis, plebes sibi commissas pro sua & carum capacitate, pacere salutaribus verbis: docendo quæ scire omnibus necessarium est ad salutem: annunciantoq; eis cum breuitate & facilitate sermonis, vitia quæ eos declinare & virtutes quas sectari oporteat, vt pœnam eternam evadere & cœlestem gloriam confequi valeant. Id si quis præstare neglexerit, Episcopo committitur grauiter puniendus. Legenda est textus ciudem Concilij.

Accum id ita sit, hoc ipso, quod alicui commissa est animarum cura, ipse ad prædicandum Dei verbum censetur missus, constitutusque iure ordinatio: alias vero, nequaquam: vt patet ex decreto Concilij Lateranensis, quod refutatur de hereticis capit. Excommunicamus i. §. Qua vero:

nisi id

117.

118.

119.

nisi id faciat auctoritate accepta ab Apostolica Sede, vel a^b Episcopo Catholicolo loci. Sine qua auctoritate ingerentem se tali muneri, peccare mortaliter satis confitat ex eo, quod propterea dignus sit excommunicatione, qua ipsum ferendum esse statuit in eodem cap. Vbi aduerteret quod etiam si Episcopus esset quidem hereticus, sed ab Ecclesia, non secus toleratus in officio suo, quam si Catholicus esset, concessionem potestatis predicandi factam ab ipso, valere perinde ac alia per ipsum ex Episcopali officio gesta.

120. Potest autem eiusmodi licentia ab Episcopo datur, non modo Sacerdotibus simplicibus, sed etiam Diaconis, si inueniantur idonei, ex Sylo, in verbo Prædicatione quæst. i. Et ratio esse potest, quod Diacono ex officio incumbat annūciare populo Euangeliū quod intelligi potest non tantum de illius lectiōne, sed etiam de explicatione: quia tamen in ipso requirat licentiam Episcopi, cum requirat in simplici fæcere, iuxta ante memoratum decretum Concilij Lateran.

Delicentia Papæ vero, Clericos alios etiam in minoribus tantum ordinibus constitutos predicare posse verbum Dei, habetur ex yisu recepto in aliquibus religionibus: quibus cum sit à Sede Apostolica absolute & sine restrictione concordium, ut Prelati possint suos Religiosos mittere ad prædicandum, mittingunt etiam Clericos in minoribus tantum ordinibus constitutos. Quem vnum à viris doctis ac timoratis, vt par est existimare, introductum, temerarium esset damnare.

121. Laico posse quoque à Sede Apostolica committi munus prædicandi, deduci potest ex cap. Muliher, dist. 23. in quo non quidem simpliciter, sed cum exceptione interdictum laico munus prædicandi: foemina autem interdictum simpliciter. Et merito ob rationes quæ videi possunt apud D. Thom. 2.2. quæstio 17. art. 2. Ad quem locum Caecilius bene notat, tale interdictum non obstat quin Abbatissæ & Priorissæ liceat, immo incumbat, predicare suis monialibus, easve adhortari ad regularum fuarum obseruationem: atque ad alia quæ sunt pietatis Christianaæ, ac religiosi instituti. Illud enim intelligitur de prædicatione quæ sit toti Ecclesiæ, id est, vi Caiet. interpretatur, populo ad prædications concurrente communiter; seu Clericis simul, & laicis virtutis sexus.

122. Ceterum Episcopi tanquam successores Apostolorum, qui iubente Domino in toto orbe terrarum dispersi, Euangelium prædicauerunt ex cap. In novo dist. 21. censeri possunt sufficientem potestatem habere prædicandi in aliena diœcesi: nisi resistant, qui in illa præfuit populo in spiritualibus. Parochi vero censeri quoq; possunt sufficientem habere potestatem prædicandi in aliena parochia intra eandem diœcesim: tanquæ ab Episcopo loci, quando ab eo accepte- runt curam animarum: non vero prædicandi in aliena diœcesi: tanquam ab Episcopo illius loci minime missi, per confirmationem curæ animarum. Nequeratio proposita de Episcopis habet in ei, locum, vt satis intelligitur ex eodem cap. In novo.

123. Quod attinet ad alios Sacerdotes, in Conc. Trid. sesi. 5. cap. 2. De reformat. statuitur vt regulares cuiusunque sint ordinis, nisi si suis Superioribus de vita & maioriis & scien- tia examinati & approbati fuerint, ac de eorum licentia: etiam in Ecclesijs suorum ordinum prædicare non possint. Cum qua licentia teneantur personaliter se coram Episcopis præsentare, & ab eis benedictionem petere antequam prædicare incipiunt. In Ecclesijs vero quæ suorum ordinum non sunt, ut licentiam suorum Superiorum, teneantur etiam Episcopi licentiam habere; sine quâ in talibus Ecclesijs nullo modo prædicare valeant. Intungitur præterea Episcopis, vt neminem eorum, qui cum sint regulares, nihilominus extra claustra & obedientiam religionis fuarum vivunt: neminemque Presbyterorum, Secularium, nisi sint ipsis noti, & moribus atque doctrina probati, permittant in sua ciuitate vel diœcesi prædicare, quorumlibet priuilegio- rum prætextu, donec ab ipsismet Episcopis sancta Sedes Apo- stolica super ea re consulatur. Itemque prohibentur quæstuariorum sive per se, sive per alium vel modo prædicare.

Derequisitis ad verbi Dei prædicationem.

S E C T I O N . I I .

124. Ex parte prædicatoris præter antedictam potestatem, ad verbi Dei prædicationem requiriuntur dona tum naturalia, tum arte & labore acquisita, tum etiam gratuïa, diuinisque concessa. Ac circa naturalia notandum est, ea non requiri tanquam necessaria; cum sit compertum experientia prædicatores plenos diuino Spiritu, quamvis nulli aut valde exiguis donis naturalibus præditos, magnum hominum numerum conuertisse: & contra cumulatos eiusmodi donis, sed vacuos diuino Spiritu, vix aliquos. Requiruntur ergo tantum vt extērnum quoddam ornamentum ipsius prædicationis, co quod illam reddant gratiorem: sicut ornatus vestitum grationem reddit personam. Inter talia vero dona, præcipua sunt: vox clara & sonora, firma latera, tu ad sustinendum prædicandi labore, tum ad vocem expro- mendam: maturitas iudicii, perspicacitas ingenii, felicitas memoriæ, industria conformandi vultu, conuenienter qualitat rerum quæ dicuntur: perspicuitas sermonis, & facilitas in dicendo, ac docendo. Forma deniq; corporis nec nimis pulchra nec nimis turpis.

Circa dona laboris & arte quæsita, notandum est, duo præcipue requiri in prædicatore Euangelico: vnum est experientia circa tractationem animorum: nempe vt expertus diciderit quibus modis peccator moleatur ad penitentiam, peccatorumque detestacionem: quibus iustus inflammeretur ad maiorem perfectionem ac Detinorem: quibus remedij instruens esse debet homo aduersus tentationes, & alia quæ possunt esse adiumenta lucrandi Christo animas. Alterum est sufficiës scientia, præsertim faciarum scripturarum, comparanda tam earundem, quam Doctrinæ Catholico- rum lectione diligenti. De ceteris legi potest Ludouici Granatenis Rhetorica.

125. Circa dona gratuita seu diuinitus insula, notandum est, ea imprimis prædicatori Euangelico necessaria esse ad fructificandū. Sunt autem i. charitas magna in Deum, & proximum; generans tum ælum diuini honoris, atq; desiderium vt totus mundus vni Deo seruat, nec vilius eum offendat: tum compassione de proximo, qua idem ælus temperetur admixtione affectus paterni: per quem illius, in peccato existens, reconciliatio cum Deo, emendatioq; potius queratur, quam punio & vindicta. Secundo, frequenta tractatio cum Deo, a quo scientiam illam qua possit animas iuuare, prædicator expectare debet potissimum, cum fungatur tali muhore, tanquam Dei legatus ad homines (iuxta illud posterior ad Corinth. cap. 5). Pro Christo legatione fungimur, tanquam Deo exhortante per nos. Obiecramus pro Christo, reconciliacioni Deo) si quidem legatus omnis debet particulariter de ijs quæ ad legationem sua pertinent: instrui ab eo à quo mititur. Hinc docet experientia ad notitiam viarum, seu modorum quibus possimus peccatorem lucrari Christo, orationem plus valere, quam studium. Tertio, humilitas, qua fugiatur inanis gloria; spississime faciens, ne ex prædicatione sequatur fructus in populo: sive quia ita Deus permittit, qui superbis resistit: sive quia prædicator suam non Dei gloriam querens, dum non loquitur ex vera charitate, efficitur velut as sonans, & cymbalum tintiens: aures scilicet auditorum obtundens, aut solum exterior pascens. Quarto, modestia in vitroq; homine: vt non facile prorumpat in iram, indignationem, contumelias, iocos, scurrilitates maledictiones, &c. Quinto, vt frugalis si in viatu & vestitu atq; adeo si vitam instituat, vt neminem offendat: sitque, exemplo D. Ioannis Baptista, lucerna tam ardens, quam lucens. Cuius rei gratia vitare debet hominum frequentiam, & nimias feminarum præfertim, familiaritates; quæ vix esse possunt sine aliquis offensione: vitare item colloquia illa quæ communiter generant malum odorem. Debet quoque corpus castigare, seculariaque desideria mortificare in se: ad imitationem Apostoli dicentes in priori ad Corinth. capit. 9. Castigo corpus meum & in seruitute redigo ne cum alijs prædicaverim ipsi reprobus efficiar. Nam sic merebitur sibi à Deo tribui adiumenta, quæ nec natura, nec ars, aut labor suppeditare ei valebunt.

126.

127.

Ex parte porro materiae, in prædicatione requiritur, ut ea sit verbi Dei: quo nomine significatur sacra scriptura, tam veteris quam noui Testamenti à Sanctis interpretata: in qua sufficienter continentur ea quæ possunt ad prædicationem afflumi. Instituitur enim prædicati, vel ad docendum aliquod nostræ fieri mysterium, vel ad populum arguendum ac incepundum de aliquo virtute: vel ad exhortandum ad aliquam virtutem, instruendumq; ad eiusdem usum. Ad quæ quidem tria, sacra scriptura sufficientissima est, iuxta illud posterioris ad Timoth. cap. 3. Omnis scriptura diuinus inspirata utilis est ad docendum, ad arguendum, ad corrigendum, ad eradicandum in iustitia: ut perfectus sit homo Dei ad omne opus bonum instrutus.]

128.

Aduerte autem his non obstantibus, posse liquid prædicationi apponi ex mandata sapientia, iuxta cap. Relatu. in distinct. 37. Quod tamen accipi debet cu[m] duplice limitacione. Prior est, vt non nisi pauca sumantur, iuxta illud quo in cap. Cum multa, distinct. 86, reprehenditur quidam Episcopis, eo quod grammaticam semper tractaret, id est, interpretatio glossa, ad verbum Grammaticam, in prædicatione referens fabulas gentilium, interpretando illas moraliter. Posterior limitatio est, ne aliquid ex humanis scientijs alsumatur ad quoddam sacra scriptura complementum, sed solum ad ostendendum illud quid sacra scriptura docet, sic esse consentaneum lumini rationis naturalis, ut à gentilibus fuerit cognitum.

129.

Ex parte demum solemnitatis seruandæ in ea de qua agimus verbi Dei prædicatione, requiritur, vt sermo sit publicus: sicut censetur esse cum sit in loco publico, nullumque impedimentum ponitur quin accedere possit quicunque volunt: vt quando non clauduntur fores Ecclesiæ. Secundo, requiritur vt sit sermo generalis, seu pertinens ad cuiusvis status & conditionis homines. Vnde intelligitur a numero prædicationum excludi sermones, qui habentur ad moniales aut ad religiosos in capitulo: itemq; eos qui haberent in sodalitijs, seu congregationibus particularibus: etiam si habeantur Clericis: quia non sunt sermones publici nec generales. Tertio, requiritur vt predicator dum prædicat locum habeat distinctum à cæteris, eumq; eminentiorem. Quarto, vt inueni auxilium B. Virginis, prout confuerit, dicendo salutationem angelicam: sive statim initio, sive aliquanto post. Quinto, vt pronoustrum thema seu pars aliqua Euangelij, de quo habenda est prædicatione ipsa. Adde conuenire vt predicatione tanquam actio dignissima, & ad Dei gloriam conducens maxime, vt fiat in templo tanquam loco dignissimo ad cultum consacerato.

De peccatis que frequentius coniungunt circa prædicationem verbi Dei.

SECTIO III.

130.

Horum alia sunt predicatoris, & alia auditorum. Atque prædictoris frequentiora, sex refert Caet. in verbo Prædicatorum peccata. Primum est, cum quis prædicat sine debita autoritate, sive ordinaria, sive delicta. Quod esse mortale idem author colligit ex cap. Excommunicamus 1. De heret. §. Quia vero: vbi sub pena excommunicationis prohibetur, ne quis sine Sedis Apostolicae aut Episcopi loci autoritate, munus prædicandi sibi assumat. De qua re iam diximus in sect. I.

Secundum est: cum quis prædicat sciens se esse in statu peccati mortalis, nisi de eo conteratur. Existimat tamen ibidem Caet. in eo committi tantum veniale, exceptis duobus casibus. Prior est, quando in eo statu perinde prædicaret indigne, ac si declararet: aut ipse esset peccator notorius, vel scandalosa vita: tunc enim magnam iniuriam facit officio prædicationis, quod sanctissimum est. Quo nomine censeri potest præhendere Deo per illud quod in Psal. 49. habetur. Peccatori autem dixit Deus: quare tu enarras iussorias meas, & afflumis testementum meum per os tuum? Posterior est, quando per contempnum muneris prædicationis, seu nesciit ipsum faciendo, prædicaret quis in statu peccati mortalis: quia in coetiam magna sit iniuria officio prædicandi. Postea autem is sententiæ mutata (quod attingit in

Enchiridio Nauarr. capit. 25. numero 141.) docuit absolute istiusmodi peccatum esse mortale: in eoque illi Nauarr. ibidem assentitur. Quamquam vero, extra duos illos casus memoratos mortale esse, vix possit ostendi certa ratione: duorum tamen illorum doctissimorum virorum authoritas, magni certe facienda, sufficiere potest homini timorato ad sollicitate cauendum peccandi in re tanti momenti periculum.

Tertium peccatum est: Cum quis prædicat mendacia; quod Caet. ait esse mortale grauissimum, quia euacuat universam Ecclesiæ autoritatem, Christiq; fidem. Id autem procedit sive mendacium dicitur contra doctrinam fidei aut morum; sive circa gesta Sanctorum, aut miracula aut reliquias; sive circa Prophetias aut quacunq; alias res p[re]f[er]antes ad instructionem fidelium. Vnus tamen casus est, in quo mentiri in concione non efficit plus quam veniale: nimisrum quando concessionari illi admisceret aliqua impunitencia, & circa ea mentiretur.

Quartum peccatum est: quando quis inutilia & vania prædicat: tractans scilicet speculatiu[m]s quæstiones, aut leges ciuiles enucleans; narrans Romanorum & aliorum gentilium glossa, aut in alijs id genus insinuens concessionem. Addit autem Caet. tale peccatum esse grauissimum, si quis in tali re excedat. An autem fit in mortale non exprimit, nec facile est statuere: nisi valde magnus in eo committatur excessus: vt cum tota concio, aut certe maxima pars illius consumeretur in talibus, sine interpretatione & applicatione ad mores Christianos. Etenim id potius est adulterare verbum Dei, quam illud sincere prædicare. Quod indignissimum esse, satis indicat Apostolus in posteriori ad Corinth. cap. 2. sub finem, & in capit. 6. sub initium vbi is sollicitate purgat a tali peccato, tanquam indignissimo verbi Dei prædicatore.

Quintum peccatum est, quando prædictor non Deum, sed seipsum querit: Quod dupliciter potissimum contingit: uno n. odo cum ad prædicandum mouetur affectu lucri: altero cum mouetur affectu propriæ laudis & gloria. Ex Caetano autem peccatum est mortale, cum prædictoris affectus talia respicit tanquam finem ultimum; aut is procedit usque ad simoniam committendam. Extra quos casus veniale est de se: in quo, ex eodem Caet. consideranda est affectus quantitas; secundumq; eam est de illius grauitate iudicandum.

Sextum peccatum est, cum prædictor narrat fabulas gentilium & facta. Quod ex se veniale est, vi addit Caet. & approbat Nauarr. in Enchir. cap. 25. num. 142. nisi tale quid, nimis multum fiat: ita nimisrum vt tota c[on]cio vel in maior pars illius consumatur in risu: quia tunc periculum magnum efficit de mortali.

Addit ibidem Nauarr. septimum peccatum, quando Religiosus Pralatis Ecclesiæ & Sacerdotibus, coniuncto detrahit præserium vt laicis placeat. ex Clemen. i. §. Quibus autem, De priuilegijs. Quod ex glossa ibidem, verbo Detrahant, intelligendum est de ijs qui detrahunt nominatum, aut aquilaudenter: seu talibus verbis vt intelligatur de quibus loquatur. Pro quo peccato imposita est illi excommunicatio reteruata Papa per Concil. Lateranense sub Leone decimo sessi. prima. Quærenti vero an idem sentendum sit de concessionibus facultatibus: idem Nauarr. tangit respondentem esse, quod sit idem quoad culpam: quia vtrisq; naturæ iure, talis detractione est pariter prohibita: nō item quoad penam excommunicationis: quoniam solis Religiosi ea imponitur ab Ecclesia.

Octauum peccatum est, quod ibidem habet Nauar, quando prædictores Religiosi disludent populo solutionem declinarum. Quod peccatum ab Ecclesia punitur excommunicatione ipso facto incurrienda: per Clemen. Cupientes, De penis §. Illos. De eodem autem quoad prædictores saeculares, iudicandum est perinde ac de præced. peccato.

Ultimum peccatum consistit in omissione eorum quæ ex definitione Concilij Trid. sect. 5. cap. 2. seruari debere ab illis quibus prædicatione verbi diuinum incumbit, habitum est in præced. sect. I. Illudque Nauarr. in sequenti numer. 134. pro mortali habet: & merito, quia tale statutum datum est in regia, cum comminatione excommunicationis aliarumq; p[ro]cenarum.

Quod

- Quod atinet ad peccata auditorum, seu quæ solent committere ij qui concionem audiuntur: Primum consilium in omissione: qua quis omittit audire concionem, quando comode potest, ipsaq; ea indiget, vt maxime solent rudes, ignorantes mysteria nostra fidei. Cuiusmodi necessitas facit frequentem, vt peccatum mortale committant non audiendo cum contra charitatem omittant in gratia necessitate, subuenire anima sua.
- Secundum peccatum est, cum quis adit, & audit concionem, vel ex vanitate, vel ex curiositate, vt noret defectus concionatoris, vel ob alium peiorum finem, verbi gratia, vt mulieres a spicula, vel vt concionatorem irrideat. Hoc peccatum quantum sit, indicatur ex illius fine.
- Tertium peccatum est, quando quis dum concio fit, non attendit, sed voluntarie distractitur: præsertim cum concionator reprehendit aliquod vitium, à quo non vult se emendare: aut hortatur ad aliquod bonum, cui non vult vacare. Huc spectant confabulationes, risus, & cetera, quibus nō solum sibi quis est non attendendo, sed etiam aliis, qui impediuntur ab audiendo. De huius vero peccati quantitate videntur, ponderandæ sunt facti circumstantiae.
- Viximus peccatum est contemnere, nec dare operam, ut fructus aliquis ex concione referatur: qui enim ita a deo cognitione, vt nihil fructus inde proferat, cum salti perdat tempus, non vacat culpa saltem venialis.
- Ceterum ad audiendum fructuose verbi Dei prædicacionem, quadam præcedere eam, quadam comitari, & quadam subsequi oportet. Igitur antequam ad eam accedatur, confitit vacasse aliqui exercitio spirituali, per quod anima disponatur ad excipienda cum dilatatione cordis, diuinis verbis fluentiæ: nempe oratione vacasse, aut confessio nem fecisse, vel Eucharistiam sumptis. Conferit item excitatio quasi famam ac fidem diuinis verbis, tanquam cibi & potus ad animæ refractionem accommodatissimi. Itemque conceperisse propositionem emendandi vitam, corrigendo se de suis defectibus, & studiendo proficere in virtutibus ad quæ iuuandis est concionum auditione.
- Dum vero concio ipsa auditur, procuranda est reverentia, non tantum interior recognoscendo in prædicatore loquenter Deum: sed etiam exterior cum debita corporis compositione, habédo oculos demissos nec vagantes circumspicendo. Procuranda est secunda deuotio, qua concio auditur, cum pio in Deum affectu: non autem ea ratione, qua ad oblectationem, aliquid prophani audiremus. Procuranda est quoque attentione, curandum ve ne distrahanur voluntate, garriamus, &c. Curandum est item ut quæ dicta sunt in concione applicemus nobis in particulari: præsertim si inueniantur ad nos pertinere ratione nostri status, aut alias nobis necessaria videantur: memores nos non interesse tanquam iudices sed tanquam discipulos.
- Denique post auditam concionem oportet se coram Deo ruminare que audierimus, præsertim ea quæ adiuerimus esse nobis valde necessaria, tanquam pertinentia ad salutem nostram, & eadem sedulo notare: atq; si occasio detur illa referre alii, tanquam auditæ in concione. Id quod conferet nobis ad illa ipsa memorie inculcanda. Et demum oportet petere à Deo vires implendi ea quæ audiuerimus, ac cum primum offeratur commoditas, sed ad illa impleenda applicare.

C A P V T X I.

De recitatione horarum canonistarum, tanquam Dei laude prescripta ab Ecclesia: & peculiariter de eiusdem prescripti obligatione.

S V M M A R I V M.

- 134 Tractantes de horis canonicis: & que de eorum recitatione, conuenienter nostro instituto, nos tractare oporteat.
- 135 Qui obligantur ad eam: & primo, de iis qui obligantur ratione sacri ordinis.
- 136 Eiusmodi obligatio Diaconis & Subdiaconis imposita est tantum per receptam, rationabiliter ergo prescriptam in Ecclesia conueniudinem.

- 137 De Religiosis professis, qui ad recitationem horarum canonistarum tenentur.
- 138 Ad quid teneantur Conuersi & Noviti in religiosis additæ choro.
- 139 Vnde sit Religiosorum professorum obligatio recitandi horas canonicas.
- 140 Communis a de re sententia, quod sit ex generali Ecclesiæ confuetudine.
- 141 Triangularia inde illata.
- 142 Omissio recitationis horarum canonistarum, peccatum est suo generi mortale.
- 143 Quæ earundem horarum pars consistit a notabilis, ut ille omisso sufficiat ad peccatum mortale.
- 144 Refutantur aliquot aliorum dicta.
- 145 Quid videtur tenendum.
- 146 Non modo recitatio horarum canonistarum, sed etiam modus recitandi est in precepto: & quæ.

H O R A canonica vocantur ea præces, quæ ex praescripto Ecclesiasticorum canonum, certis horis in Ecclesia recitantur. De illis autem in iure canonico agitur dist. 91. & 92. itemq; in art. de celebrationi Missarum. De istis post Summulariis in verbo Hora: ac Sotum in lib. 10. de iust. & iure, & Nauar. in Enchir. cap. 25. n. 96. & aliquot seqq; ac laudissime in tract. de oratione, tractatur a pluribus recentioribus: in er quos in nostris sunt Gregor. à Valent. 2.2 dñp. 6. quælibet 2. punclo 10. Ioan. Azorius in 1. part. Insti. Mo. al. lib. 10. L. onard. Lessius De iust. & iure lib. 2. cap. 37. & nouissime Franciscus Suarez de religione tract. 4. lib. 4. Tantum autem immorabitur in iis quæ faciunt ad iudicium de peccatis nobis propositum: ut sunt primo, obligatio ad talem recitationem, secundo, conditions requitæ, ut ea censentur debite mandata executioni: & tertio, causa ob quas contingit execratio ab eadem. Atque de obligatione dicemus in hoc cap. dicturi de reliquis in duabus sequentibus.

De obligatione recitandi horas canonicas: ac primo, initiatorum sacris ordinibus.

S E C T I O I.

EX communis Doctorum consensu teste Nauarro in memoratu tractatu de oratione cap. 7. num. 1. tria tantum genera hominum tenentur ad recitationem horarum canonistarum, communis Ecclesiæ sive præcepto sive conueniudine: nempe Clerici initiati maioribus ordinibus, Religiosi professi religionem in qua sunt addicti choro, & beneficiarij.

De primis, qui sunt Presbyteri, Diaconi, & Subdiaconi, nota Nauar. in sequenti num. 2. & plenius tractat Suarez in citato lib. 4. cap. 16. non datur in iure canonico textus expressus, per quem eiusmodi obligatio confirmetur, quoad diaconos & subdiaconi. Tres enim canones citari solent pro tali obligatione, ex quibus nihil de ea quoad diaconos & subdiaconos certo colligitur. Primus est, canon Presbyter, De celebrationi Missarum: ubi dicitur: Presbyter mane matutinali officio explero, pensum seruituris sue, videlicet primam, tertiam, sextam, nonam, & vesperaunque periolat. Quibus verbis nihil exprimitur de Diacono & Subdiacono: sed solum de Presbytero. Cui quatenus per eundem canonem censoria sit imposita obligatio recitandi horas canonicas: explicat Suarez in cod. cap. 16. num. 9. Secundus est, canon Si quis Presbyter, dist. 92. in quo sit quidem mentio diaconi & subdiaconi, non tam de obligatis ad recitationem horarum canonistarum ratione suscepit ordinis: sed vt deputatis aliqui Ecclesiæ: seu vt habentibus beneficia in aliqua Ecclesia. Nam illuc pariter firmamento aliorum clericorum, quos constat non omnes ratione susceptionis minorum ordinum obligari ad eam recitationem. De quo pluribus Suarez tractat quidem in cit. cap. 16. num. 10. & nonnullis sequentibus; sed nobis sufficit id latius constare ex recepta Ecclesiæ conueniudine.

Tertius est, canon Dolentes, De celebratione Missarum: in quo Praelatis & minoribus Clericis præcipitur in virtute sanctæ obedientie, ut diuinum officium, nocturnum pariter & diurnum, quantum eis dederit Deus, studiose celebrent, pariter & deuote.